

佛说木槌经

失译人名今附东晋录



南無本師釋迦牟尼佛

说明

本简体校正版《佛说木榘经》电子书，是根据《乾隆大藏经》小乘单译经，第 0750 部《佛说木榘经》原藏雕板印刷影印本校正的，标点符号仅作参考。特此说明。

仁慧草堂

二〇一八年一月

佛说木槌经

失译人名今附东晋录

闻如是：一时，佛游罗阅祇耆闍崛山中，与大比丘众一千二百五十人俱，菩萨无数。名称远闻，天人所敬。

时，难国王名波琉璃，遣使来到佛所，顶礼佛足，白佛言：“世尊！我国边小，频岁寇贼，五谷勇贵，疫疾流行，人民困苦，我恒不得安卧。如来法藏，多悉深广。我有忧务，不得修行。唯愿世尊，特垂矜愍，赐我要法，使我日夜易得修行，未来世中，远离众苦。”

佛告王言：“若欲灭烦恼障、报障者，当贯木槌子一百一八，以常自随。若行、若坐、若卧，恒当至心，无分散意，称佛陀、达磨、僧伽名，乃过一木槌子；如是渐次，度木槌子若十、若二十、若百、若千、乃至百千万。若能满二十万遍，身心不乱，无诸谄曲者，舍命得生第三焰天，衣食自然，常安乐行。若复能满一百万遍者，当得断除百八结业，始名背生死流，趣向泥洹，永断烦恼根，获无上果。”

使还启王，王大欢喜，遥向世尊，头面礼佛

称：“大善！我当奉行。”即敕吏民营办木槌子，以为千具。六亲国戚，皆与一具。

王常诵念，虽亲军旅，亦不废置。又作是念：“世尊大慈，普应一切，若我此善，得免长沦苦海，如来当现身，为我说法。”愿乐迫心，三日不食。

佛即应形，与诸眷属，来至其宫内，而告王曰：“莎斗比丘诵三宝名，经历十岁，得成斯陀含果。渐次习行，今在普香世界，作辟支佛。”

王闻是已，倍复修行。

佛告阿难：“何况能诵三宝名经历万数，但能闻此人名，生一念随喜者，未来生处，常闻十善。”

说是语时，大众欢喜，皆愿奉行。

《佛说木槌经》卷终

回向偈

愿以此功德 普及于一切
我等与众生 皆共成佛道

南无护法韦驮尊天菩萨



此咒置经书中可灭误跨之罪